



Broj: 01.10-04-31603-94/25
Sarajevo, 20.10.2025.godine

Skupština Kantona Sarajevo
n/r Predsjedavajući Skupštine Kantona Sarajevo

Predmet: Odgovor na zastupničko pitanje Faruk Selmanović (39) - dostavlja se
Veza: akt Skupštine Kantona Sarajevo broj: 01-04-31603-39/25 od 03.10.2025. godine

Poštovani,

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo zaprimilo je vaš akt broj: 01-04-31603-39/25 od 03.10.2025. godine, sa pitanjima zastupnika u Skupštini Kantona Sarajevo Faruka Selmanovića.

Zastupnik u Skupštini Kantona Sarajevo, Faruk Selmanović, je u skladu sa čl. 211. i 214. Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 - Ispravka i 47/24) u okviru 19. radne sjednice Skupštine Kantona Sarajevo uputio zastupničko pitanje:

1. Koja su to inovativna rješenja koja su do sada implementirana na Općinskom sudu u Sarajevu, a koja su vam Premijeru, prezentirana na sastanku održanom 15.07.2025.godine, sve u pogledu efikasnijeg i bržeg rješavanja izvršnih predmeta naplate potraživanja u komunalnim predmetima, da li su ista u skladu sa Zakonom o izvršnom postupku, imajući u vidu da se izvršni postupak prinudne naplate provodi u skladu sa odredbama navedenog zakona?

2. Ministar Pandurević, izjavio je da će se razrađenim načinima prinudne naplate, prvenstveno na računima građana, a onda i pljenidbom stvari, tako da će izvršioci odmah stvari popisati i iznijeti, odnijeti u aukcioni centar i prodavati, pa s tim u vezi postavljam mu pitanje da li su razradili načine prinudne naplate i pravnim licima i koji su to načini prinudne naplate od pravnih lica ili će se samo provoditi naplata potraživanja od građana?

3. Da li su održani novi radni sastanci sa fokusom na zajednički pronalazak kvalitetnog i održivog modela u pristupu građanima po pitanju prinudne naplate dugovanja na ime komunalnih usluga, kako ste izjavili na navedenom sastanku, te da li je isti pronađen?

Odgovor zastupniku:

U pogledu pitanja pod rednim brojem 1:

Isto je upućeno Premijeru Kantona Sarajevo tako da se ovo Ministarstvo ne može izjasniti po istome.

2. Odgovor na pitanje pod rednim brojem 2:

Prinudna naplata od pravnih lica u Federaciji BiH vrši se u skladu sa Zakonom o izvršnom postupku FBiH i ista se provodi od strane Općinskog suda u Sarajevu.

Kada je dužnik pravno lice pljenidba se najčešće vrši na jedan od sljedećih načina: novčanim sredstvima na računima, pokretnoj imovini u vlasništvu pravnog lica, nekretninama u vlasništvu pravnog lica ili potraživanjima i drugim pravima dužnika prema trećim licima. Najčešći i najefikasniji način prinudne naplate jeste izvršenje na novčanim sredstvima pravnog lica koja se nalaze kod banaka. Na osnovu rješenja o izvršenju sud nalaže bankama da blokiraju račun dužnika i da prenesu sredstva na račun povjerioca, sve do namirenja potraživanja. Ako na računu nema dovoljno sredstava, račun ostaje blokiran do namirenja potraživanja. Za veće iznose duga ili kada prethodni načini nisu dali rezultate, izvršenje se može sprovesti na nekretninama u vlasništvu pravnog lica (npr. poslovni prostor, zemljište). Postupak uključuje upis zabilježbe u zemljišne knjige, procjenu vrijednosti i prodaju nekretnine putem javne dražbe.

3. Odgovor na pitanje pod rednim brojem 3:

U cilju provođenja zakonskih odredbi ovim putem Vas obavještavamo da se počev od aprila mjeseca redovno održavaju operativni sastanci između ovog Ministarstva i Općinskog suda u Sarajevu, da su formirani timovi između navedenih subjekata u cilju kvalitetnijeg modela pristupa građanima po pitanju prinudne naplate dugovanja na ime komunalnih usluga, da je ovo Ministarstvo iniciralo i predložilo Zaključak koji je usvojen od strane Vlade Kantona Sarajevo u julu mjesecu tekuće godine prema kojem su zaduženi punomoćnici preduzeća da putem uprava preduzeća donesu mjere za poboljšanje naplate, te s time u vezi citiramo neke od donesenih mjera:

- Pripreme planove za reprograme dugovanja jednoobrazno za sva preduzeća, sa konkretnim uslovima i modelima za otplatu pojedinačnih dugovanja po utuženim predmetima (predmetima u Sokop sistemu) te se sva izvršenja provode shodno Zakonu o izvršnom postupku,
- Izvršiti usklađivanje akata za davanje ovlaštenja upravama preduzeća od strane nadzornih odbora za sklapanje sporazuma o vansudskoj nagodbi i eventualnom otpisivanju zateznih kamata u cilju efikasnosti naplate, a sve prema pojedinačnim predmetima koji su pokrenuti pred Općinskim sudom u Sarajevu kroz Sokop sistem,
- Uputiti posebna obavještenja o stanju dugovanja po utuženim predmetima pokrenutim pred Općinskim sudom u Sarajevu za korisnike komunalnih usluga, sa načinom izmirenja, uključujući mjesta, kontakt telefone, radno vrijeme, sve putem tekućeg redovnog računa u obliku dodatnog dopisa sa taksativno pobrojanim Sokop brojevima predmeta po kojima je korisnik utužen sa detaljnim stanjem duga po svakom pojedinačnom predmetu,
- Redovno prikupljati i vršiti provjeru o računima dužnika komunalnih usluga sa Finansijsko-informatičkom agencijom (FIA), Poreznom upravom i drugim ustanovama koji imaju tražene podatke o računima dužnika,
- Donijeti odgovorajuće odluke o otpisu manjih dugovanja,



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>, E-mail: mkipgo@mkipgo.ks.gov.ba

2/3

- Putem sredstava javnog informisanja, propagandnog materijala i na svojim web stranicama obavijestiti dužnike komunalnih usluga o mogućem otpisu zateznih kamata i drugih pogodnosti u slučaju izmirenja dugovanja pojedinačno po utuženim predmetima, a dodatno i za izmirenje cjelokupnog duga po svim pokrenutim predmetima pred Općinskim sudom u Sarajevu putem Sokop sistema.

Gore navedene mjere su dio istih iz navedenog Zaključka a koje odnose na postavljeno pitanje. S time u vezi kroz finansijski izvještaj preduzeća, kao i kroz obavijesti od strane Općinskog suda u značajnoj mjeri se povećala naplata kako od predmeta iz ranijih utuženja tako i kroz povećanje redovne naplate od strane korisnika komunalnih usluga.

S poštovanjem



Dostaviti:

1. Naslovu,
2. Stručnoj službi Vlade Kantona Sarajevo - na znanje,
3. Koordinatoru izrade odgovora na zastupnička pitanja / inicijative - na znanje,
4. Evidencija,
5. Arhiva.

